

**«Қазақстан Республикасы сыртқы саясатының 2020 –  
2030 жылдарға арналған тұжырымдамасы: халықаралық-  
құқықтық базаны имплементациялау»  
тақырыбына арналған дөңгелек үстел  
ҰСЫНЫМДАРЫ  
(2020 жылғы 11 желтоқсан)**

Қазақстан Республикасының Президенті Қ. К. Тоқаевтың 2020 жылғы 1 қыркүйектегі «Жаңа жағдайдағы Қазақстан: іс-қимыл уақыты» атты Қазақстан халқына Жолдауының адам құқықтарын сақтау және қорғау жөніндегі шараларды қабылдау бөлігін негізге ала отырып,

дамудың негізгі бағыттары, соның ішінде адам құқықтарын қорғау бойынша ұлттық заңнамаға халықаралық стандарттарды енгізу жөніндегі жоспарлы саясатты атай отырып,

халықаралық міндеттемелерді заң шығару процесімен және құқық қолдану практикасымен үйлестіруді көздейтін жүйелі тәсіл қажеттілігін қарастыра отырып,

мемлекеттік органдардың, Адам құқықтары жөніндегі уәкілдің ақпаратын, депутаттардың, халықаралық құқық саласындағы ғалымдар мен мамандардың сөйлеген сөздерін тыңдап, дөңгелек үстел қатысушылары **ҰСЫНАДЫ:**

**Қазақстан Республикасының Үкіметіне:**

- Парламентке халықаралық шарттарды ратификациялау туралы заң жобаларын енгізу кезінде «Қазақстан Республикасының халықаралық шарттары туралы» Заңының 5-бабы талаптарының, соның ішінде олардың мақсаттылығын негіздеу; халықаралық шарттарды орындауға уәкілеттік берілген мемлекеттік органдардың нұсқаулары; көпжақты

шарттарға қатысушы мемлекеттердің тізбесі; сондай-ақ оларға Қазақстан Республикасының ықтимал ескертпелерінің негіздемелері бөлігінде сақталуын қамтамасыз ету;

- бұқаралық ақпарат құралдарының әлеуетін пайдалана отырып, азаматтардың өз құқықтарын қорғау мәселелерінен хабардар болу деңгейін арттыруға бағытталған шараларды ұсыну. Бұл ретте БАҚ қызметінде жалпы қабылданған нормалар мен стандарттарды өзектендіру талап етіледі;

- жалпы білім беретін мектеп бағдарламасы шеңберінде міндетті пәндер тізбесіне адам құқықтарының негіздерін енгізу мүмкіндігін қарастыру;

- біздің еліміз қатысушы болып табылатын халықаралық шарттардың Қазақстан Республикасының аумағында қолданылу тәртібі мен талаптары бөлігінде Конституцияның әлеуетін іске асыруға бағытталған шараларды (4-бап) пысықтау;

- «Қазақстан Республикасының халықаралық шарттары туралы» Заңының 20-бабының халықаралық шарттардан туындайтын Республиканың міндеттемелерін орындау және құқықтарын жүзеге асыру, оның ішінде шарттарға басқа да қатысушылардың өз міндеттемелерінің орындалуын бақылау бөлігіндегі талаптарының Орталық мемлекеттік органдар туралы ережелерде сақталуын қарастыру.

-----